

minus, quam inter duos, caritas haberi non potest. Nemo enim proprie ad semetipsum habere caritatem dicitur: sed dilectio in alterum tendit, ut caritas esse possit.

**R.** Isti sunt qui viventes in carne, plantaverunt Ecclesiam sanguine suo: \* Calicem Domini bibērunt, et amici Dei facti sunt. **V.** In omnem terram exiit sonus eorum, et in fines orbis terrae verba eorum. — Calicem.

**Lectio viij.**

**E**cce enim binos ad praedicandum discipulos Dominus mittit; quatenus hoc nobis tacitus innuat, quia qui caritatem erga alterum non habet, praedicationis officium suscipere nullatenus debet. Bene autem dicitur, quia misit eos ante faciem suam in omnem civitatem et locum, quo erat ipse venturus. Praedicatorum enim suos Dominus sequitur: quia praedicationis praevent, et tunc ad mentis nostrae habitaculum Dominus venit, quando verba exhortationis praecurrunt: atque per hoc veritas in mente suscipitur.

**R.** Isti sunt viri sancti, quos elegit Dominus in caritate non ficta, et dedit illis gloriam sempiternam:

\* Quorum doctrina fulget Ecclesia, ut sole luna. **V.** Sancti per fidem vicērunt regna, operati sunt iustitiam. — Quorum doctrina. **Gloria Patri.** Quorum doctrina.

**Lectio ix.**

**H**inc namque eisdem praedicatoribus Isaías dicit: Parate viam Domini, rectas facite semitas Dei nostri. Hinc filiis Psalmista ait: Iter facite ei, qui ascendit super occasum. Super occasum namque Dominus ascendit: quia unde in passione occubuit, inde maiorem suam gloriam resurgendo manifestavit. Super occasum videlicet ascendit; quia mortem quam pertulit, resurgendo calcavit. Ei ergo, qui ascendit super occasum, iter facimus, cum nos ejus gloriam vestris mentibus praedicamus, ut eas et ipse post veniens, per amoris sui praesentiam illustret.

Te Deum laudamus. 18.



**Commune unius Martyris.**

IN I. VESPERIS.

**Antiphonæ.**



UI me confessus fuerit \* coram hominibus, confitebor et ego eum coram Patre meo.

**Psalmi ut in j. Vesperis de Communi Apostol. [2]**

2. Qui sequitur me, \* non ambulat in tenebris, sed habebit lumen vitae, dicit Dominus.

3. Qui mihi ministrat, \* me sequatur: et ubi ego sum, illic sit et minister meus.

4. Si quis mihi ministraverit, \* honorificabit eum Pater meus, qui est in caelis, dicit Dominus.

5. Volo Pater, \* ut ubi ego sum, illic sit et minister meus.

**Capitulum. Jacobi j. b**

**B**eatus vir, qui suffert tentationem: quoniam cum probatus fuerit, accipiet co-

ronam vitae, quam reprobis misit Deus diligentibus se.

**Hymnus.**

**D**eus tuorum militum Sors, et corona, praemium,

Laudes canentes Martyris Absolve nexu criminis.

**H**ic nempe mundi gaudia, Et blanda fraudum pabula

Imbuta felle deputans Pervenit ad caelestia.

**P**oenas cucurrit fortiter, Et sustulit viriliter, Fundensque pro te sanguinem

Aeterna dona possidet.

**O**b hoc precatu supplici Te poscimus piissime:

In hoc triumpho Martyris Dimitte noxam servulis.

**L**aus et perennis gloria Patri sit, atque Filio, Sancto simul Paraclito, In sempiterna saecula.

Amen.

**V.** Glória et honóre coronásti eum Dómine. **R.** Et constituísti eum super ópera mánuum tuárum.

**Ad Magnificat, Añã.** Iste sanctus \* pro lege Dei sui certávit usque ad mortem, et a verbis impiórum non tímuit : fundátus enim erat supra firmam petram.

**Pro Martyre et Pontifice. Oratio.**

**I**nfirmítatem nostram respice omnipotens Deus : et quia pondus próprie actiónis gravat, beáti **N. Mátyris** tui atque Pontíficis intercessio gloriósa nos prótegat. Per Dóminum.

**Alia Oratio.**

**D**eus, qui nos beáti **N. Mátyris** tui atque Pontíficis ánnua solemnitate lætíficas : concéde propítius, ut cujus natalítia cólimus, de ejúsdem étiam proteccióne gaudeámus. Per Dóminum.

**Pro Martyre tantum.**

**Oratio.**

**P**ræsta quæsumus omnípotens Deus : ut qui beáti **N. Mátyris** tui natalítia cólimus, intercessióne ejus in tui nóminis amóre roborémur. Per Dóminum.

**Alia Oratio.**

**P**ræsta quæsumus omnípotens Deus : ut intercedente beáto **N. Mátyre** tuo, et a cunctis adversitatibus liberémur in corpore, et a pravis cogitationibus mundémur in mente. Per Dóminum.

**AD MATUTINUM.**

**Invitat.** Regem Mátyrum Dóminum, \* Veníte adorémus. **Ps. Veníte. 2.**

**Hymnus.** Deus tuórum militum. **ut supra. [29]**

**In I. Nocturno.**

**Añã.** In lege Dómini \* fuit volúntas ejus die ac nocte.

**Psalmus j.**

**B**eátus vir, qui non ábiit in consilio impiórum, et in via peccatórum non stetit, \* et in cáthedra pestiléntiæ non sedit :

Sed in lege Dómini volúntas ejus, \* et in lege ejus meditábitur die ac nocte.

Et erit tamquam lignum, quod plantátum est secus decúrsus aquárum, \* quod fructum suum dabit in témpore suo :

Et fólium ejus non défluet : \* et ómnia quæcúmque fáciat prosperabúntur.

Non sic ímpii, non sic : \* sed tamquam pulvis, quem prójicit ventus a fácie terræ.

Ideo non resúrgent ímpii in iudicio : \* neque peccatóres in concílio justórum.

Quóniam novit Dóminus viam justórum : \* et iter impiórum peribit.

**Añã.** In lege Dómini fuit volúntas ejus die ac nocte.

**Añã.** Prædicans \* præceptum Dómini constitútus est in monte sancto ejus.

**Psalmus ij.**

**Q**uare fremuerunt Gentes, \* et pópuli meditati sunt inánia?

Astiterunt reges terræ, et príncipes convenérunt in unum \* advérsus Dóminum, et advérsus Christum ejus.

Dirumpámus víncula eórum : \* et projiciámus a nobis jugum ipsórum.

Qui hábitat in cœlis, iridébit eos : \* et Dóminus subsannábit eos.

Tunc loquétur ad eos in ira sua, \* et in furóre suo conturbábit eos.

Ego autem constitútus sum Rex ab eo super Sion montem sanctum ejus, \* prædicans præceptum ejus.

Dóminus dixit ad me : \*

Fílius meus es tu, ego hodie génuí te.

Póstula a me, et dabo tibi Gentes hereditátem tuam, \* et possessiónem tuam términos terræ.

Reges eos in virga férrea, \* et tamquam vas figuli confringes eos.

Et nunc reges intelligite : \* erudimini qui iudicátis terram.

Servíte Dómino in timóre : \* et exultáte ei cum tremóre.

Apprehéndite disciplinam nequándo irascátur Dóminus, \* et pereátis de via justa.

Cum exárserit in brevi ira ejus, \* beáti omnes, qui confidunt in eo.

**Añã.** Prædicans præceptum Dómini constitútus est in monte sancto ejus.

**Añã.** Voce mea \* ad Dóminum clamávi : et exaudivit me de monte sancto suo.

**Psalmus iij.**

**D**omine quid multiplícati sunt qui tribulant me ? \* multi insúrgunt advérsus me.

Multi dicunt ánimæ meæ : \* Non est salus ipsi in Deo ejus.

Tu autem Dómine suscéptor meus es, \* glória

mea, et exáltans caput meum.

Voce mea ad Dóminum clamávi : \* et exaudivit me de monte sancto suo.

Ego dormívi, et soporátus sum : \* et exsurrexi, quia Dóminus suscepit me.

Non timébo míllia pópuli circumdántis me : \* exsúrge Dómine, salvum me fac Deus meus.

Quóniam tu percussisti omnes adversántes mihi sine causa : \* dentes peccatórum contrivisti.

Dómini est salus : \* et super pópulum tuum benedictio tua.

**Aña.** Voce mea ad Dóminum clamávi : et exaudivit me de monte sancto suo.

**V.** Glória et honóre coronásti eum Dómine. **R.** Et constituísti eum super ópera mánuum tuárum.

Pater noster. **Absolutio.** Exáudi Dómine. **V.** Jube domne. **Benedictio.** Benedictióne perpétua.

**Lectiones sequentes primi Nocturni leguntur in Festo Martyris et Pontif.**

**In Festo autem Martyris non Pontificis leguntur quæ inferius positæ sunt in Communi plurimorum Martyrum. [53]**

De Actibus Apostolorum.

**Lectio j. Cap. xx. d**



Miléto Paulus mitens Ephésu, vocávit Majóres natu

Ecclésiæ. Qui cum venissent ad eum, et simul essent, dixit eis : Vos scitis a prima die, qua ingressus sum in Asiam, quáliter vobiscum per omne tempus fúerim, sérviens Dómino cum omni humilitáte, et lácrymis, et tentationibus, quæ mihi acciderunt ex insídiis Judæorum : quómo modo nihil subtráxerim útilium, quo minus annuntiárem vobis, et docérem vos públice, et per domos, testíficans Judæis, atque Gentílibus in Deum pœniténtiam, et fidem in Dóminum nostrum Jesum Christum. Et nunc ecce alligátus ego spíritu, vado in Jerúsalem : quæ in ea ventúra sint mihi, ignórans : nisi quod Spíritus sanctus per omnes civitátes mihi protestátur, dicens : Quóniam víncula, et tribulatiónes Jerosólymis me manent. Sed nihil horum véreor : nec fácio ánimam meam pretiosiórem quam me, dúmmodo consúmmem cursum meum, et ministé-

rium verbi, quod accépi a Dómino Jesu, testificári Evangélium grátie Dei.

**R.** Iste sanctus pro lege Dei sui certávit usque ad mortem, et a verbis impiórum non tímuit : \* Fundátus enim erat supra firmam petram. **V.** Iste est qui contémpsit vitam mundi, et pervénit ad cœlestia regna. — Fundátus.

**Bened.** Unigénitus Dei Fílius.

**Lectio ij.**

**ET** nunc ecce ego scio quia ámplius non videbitis faciém meam vos omnes, per quos transívi prædicans regnum Dei. Quaprópter contéstor vos hodiérna die, quia mundus sum a ságuine ómnium. Non enim subterfúgi, quo minus annuntiárem omne consílium Dei vobis. Atténdite vobis, et unívsero gregi, in quo vos Spíritus sanctus pósuit Episcopos régere Ecclésiám Dei, quam acquisívit ságuine suo. Ego scio quóniam intrábunt post discessiónem meam lupi rapáces in vos, non parcéntes gregi. Et ex vobis ipsis exsurgent viri loquéntes perversa, ut abducant discipulos post

se. Propter quod vigiláte memória retinéntes : quóniam per triénnum nocte et die non cessávi, cum lácrymis monens unumquemque vestrum.

**R.** Justus germinábit sicut lílium : \* Et florébit in ætérnum ante Dóminum. **V.** Plantátus in domo Dómini, in átriis domus Dei nostri. — Et florébit.

**Bened.** Spíritus sancti grátia.

**Lectio iij.**

**ET** nunc comméndo vos Deo, et verbo grátie ipsius, qui potens est ædificáre, et dare hereditátem in sanctificátis ómnibus. Argéntum, et aurum, aut vestem nullius concupívi, sicut ipsi scitis : quóniam ad ea, quæ mihi opus erant, et his, qui mecum sunt, ministravérunt manus istæ. Omnia osténdi vobis, quóniam sic laborántes, opórtet suscipere infirmos, ac meminisse verbi Dómini Jesu, quóniam ipse dixit : Beátius est magis dare, quam accíperé. Et cum hæc dixisset, pósitis génibus suis orávit cum ómnibus illis. Magnus autem fletus factus est ómnium : et pro-

cumbentes super collum Pauli, osculabantur eum, dolentes maxime in verbo, quod dixerat, quoniam amplius faciem ejus non essent visuri. Et deducebant eum ad navem.

**R.** Iste cognovit justitiam, et vidit mirabilia magna, et exoravit Altissimum : \* Et inventus est in numero sanctorum. **V.** Iste est qui contempsit vitam mundi, et pervenit ad caelestia regna. — Et inventus. **Gloria Patri.** Et inventus.

In II. Nocturno.

**Añã.** Filii hominum \* scitote quia Dominus sanctum suum mirificavit.

**Psalmus ib.**

**C**UM invocarem exaudivit me Deus justitiae meae : \* in tribulatione dilatasti mihi.

Miserere mei, \* et exaudi orationem meam.

Filii hominum usquequo gravi corde? \* ut quid diligitis vanitatem, et quaeritis mendacium?

Et scitote quoniam mirificavit Dominus sanctum suum : \* Dominus exaudiet me cum clamavero ad eum.

Irascimini, et nolite pec-

care : \* quae dicitis in cordibus vestris, in cubilibus vestris compungimini.

Sacrificate sacrificium justitiae, et sperate in Domino. \* Multi dicunt : Quis ostendit nobis bona?

Signatum est super nos lumen vultus tui Domine : \* dedisti laetitiam in corde meo.

A fructu frumenti, vini, et olei sui \* multiplicati sunt.

In pace in idipsum \* dormiam, et requiescam ;

Quoniam tu Domine singulariter in spe \* constituisti me.

**Añã.** Filii hominum scitote quia Dominus sanctum suum mirificavit.

**Añã.** Scuto \* bonae voluntatis tuae coronasti eum Domine.

**Psalmus b.**

**V**erba mea auribus percipe Domine, \* intellige clamorem meum.

Intende voci orationis meae, \* Rex meus et Deus meus.

Quoniam ad te orabo : \* Domine mane exaudies vocem meam.

Mane astabo tibi et videbo : \* quoniam non Deus volens iniquitatem tu es.

Neque habitabit juxta te malignus : \* neque perma-

nebunt injusti ante oculos tuos.

Odisti omnes, qui operantur iniquitatem : \* perdes omnes, qui loquuntur mendacium.

Virum sanguinum et dolosum abominabitur Dominus : \* ego autem in multitudine misericordiae tuae.

Introibo in domum tuam : \* adorabo ad templum sanctum tuum in timore tuo.

Domine deduc me in justitia tua : \* propter inimicos meos dirige in conspectu tuo viam meam.

Quoniam non est in ore eorum veritas : \* cor eorum vanum est.

Sepulcrum patens est guttur eorum, linguis suis dolose agebant, \* judica illos Deus.

Decidant a cogitationibus suis, secundum multitudinem impietatum eorum expelle eos, \* quoniam irritaverunt te Domine.

Et laentur omnes, qui sperant in te, \* in aeternum exsultabunt : et habitabis in eis.

Et gloriabuntur in te omnes, qui diligunt nomen

tuum, \* quoniam tu benedices justo.

Domine, ut scuto bonae voluntatis tuae \* coronasti nos.

**Añã.** Scuto bonae voluntatis tuae coronasti eum Domine.

**Añã.** In universa terra \* gloria et honore coronasti eum.

**Psalmus viij.**

**D**omine Dominus noster, \* quam admirabile est nomen tuum in universa terra!

Quoniam elevata est magnificentia tua, \* super caelos.

Ex ore infantium et lactentium perfecisti laudem propter inimicos tuos, \* ut destruas inimicum et ultorem.

Quoniam videbo caelos tuos, opera digitorum tuorum : \* lunam et stellas, quae tu fundasti.

Quid est homo, quod memor es ejus? \* aut filius hominis, quoniam visitas eum?

Minuisti eum paulo minus ab Angelis, gloria et honore coronasti eum : \* et constituisti eum super opera manuum tuarum.

Omnia subjecisti sub pedibus ejus, \* oves et boves

univérsas : insuper et pécora campi.

Vólucres cœli, et pisces maris, \* qui perambulansémitas maris.

Dómine Dóminus noster, \* quam admirabile est nomen tuum in univérsta terra!

**Añã.** In univérsta terra glória et honóre coronásti eum.

**℣.** Posuísti Dómine super caput ejus. **℟.** Coronam de lápide pretiósio.

Pater noster. **Absolutio.** Ipsíus píetas. **℣.** Jube domne. **Bened.** Deus Pater omnipotens.

Sermo sancti Augustíni Epíscopi.

**Lectio iv.**

**Serm. xlv. de Sanctis.**



**T**riumphális beátí Mártýris **N.** dies hódie nobis anniversária celebrítate recúrrit : cujus glorificatióne sicut congáudet Ecclésia, sic ejus propónit sequénda vestígia. Si enim compátimur, et conglorificábimur. In cujus glorióso agóne duo nobis præcípuè consideránda sunt : induráta vidélicet tortóris sævítia, et Mártýris invícta patiéntia. Sævítia tortóris, ut eam detestémur : pa-

tiéntia Mártýris, ut eam imitémur. Audi Psalmístam advérsus malítiam increpántem : Noli æmulári in malignántibus : quóniam tamquam fœnum velóciter aréscent. Quod autem advérsus malignántes patiéntia exhibénda sit, audi Apóstolum suadéntem : Patiéntia vobis necessária est, ut reportétis promissiónes.

**℟.** Honéstum fecit illum Dóminus, et custodívit eum ab inimícis, et a seductóribus tutávit illum : \* Et dedit illi claritátem ætérnam. **℣.** Descendítque cum illo in fóveam : et in vínculis non derelíquit eum. — Et dedit.

**Bened.** Christus perpétuæ.

**Lectio v.**

**C**oronáta itaque est beátí Mártýris patiéntia, mancipáta est ætérnis cruciátibus tortóris incorrécta malítia. Hoc atténdens in agóne suo gloriósus Christi athléta, non exhórruit cárcerem. Ad imitatióne capítis sui tolerávit probra, sustínuit irrisiones, flagélla non tímuit : et quot ante mortem pro Christo pertulit supplicia, tot ei de se ób-

tulit sacrificia. Quod enim propinánte Apóstolo biberat, alte retinébat : Quia non sunt condígnæ passiónes hujus témporis ad futúram glóriam, quæ revelábitur in nobis. Et quia momentáneum hoc et leve nostræ tribulatiónis, ætérnum glóriæ pondus operátur in cœlis. Hujus promissiónis amóre a terrénis suspénsus, et prægustáta supérnæ suavitátis dulcedine ineffabíliter afféctus, dicébat cum Psalmísta : Quid mihi est in cœlo, et a te quid vólui super terram? Defécit caro mea, et cor meum : Deus cordis mei, et pars mea Deus in ætérnum.

**℟.** Desidérium ánimæ ejus tribuísti ei Dómine, \* Et voluntáte labiórú ejus non fraudásti eum. **℣.** Quóniam prævenísti eum in benedictiónibus dulcedínis : posuísti in cápite ejus coronam de lápide pretiósio. — Et voluntáte.

**Bened.** Ignem sui amóris.

**Lectio vj.**

**C**ontemplabátur enim quantum in ænigmaté infirmitas humana óculum mentis in æternitáte figurere potest, quanta sint

supérnæ civitátis gáudia : et ea enarráre non sufficiens, admirádo clamábat : Quid mihi est in cœlo? Quasi diceret : Excédit facultátem eloquéntiæ meæ, transcendit capacitátem intelligéntiæ meæ illud decus, illa glória, illa cel-sitúdo, qua nobis, a conturbatióne hóminum remóti, in abscondito faciésuæ Jesus Christus Dóminus noster reformábit corpus humilitátis nostræ, configurátum córpori claritátis suæ. Hujus perféctæ libertátis contemplatióne nullum vitábat perículum, nullum horrébat supplicium : et si millies posset mori, non putábat se hanc digne posse áliqua ratióne promeréri.

**℟.** Stola jucunditátis induit eum Dóminus : \* Et coronam pulchritúdinis pósuit super caput ejus. **℣.** Cibávit illum Dóminus pane vitæ et intelléctus : et aqua sapiéntiæ salutáris potávit illum. — Et coronam. **Gloria Patri.** Et coronam.

**In III. Nocturno.**

**Añã.** Justus Dóminus, \* et justítiam diléxit : æquitátem vidit vultus ejus.

**Psalmus r.**

**I**N Dómino confido :  
quómo dicitis  
ánimæ meæ : \*  
Trásmigra in montem  
sicut passer?

Quóniam ecce peccatóres  
intendérunt arcum, para-  
vérunt sagittas suas in  
pháretra, \* ut sagittent in  
obsúro rectos corde.

Quóniam quæ perfecísti,  
destruxérunt : \* justus  
autem quid fecit?

Dóminus in templo san-  
cto suo, \* Dóminus in cœ-  
lo sedes ejus :

Oculi ejus in páuperem  
respiciunt : \* pálpebræ  
ejus interrogant filios hó-  
minum.

Dóminus intérogat ju-  
stum et ímpium : \* qui au-  
tem diligit iniquitatem,  
odit ánimam suam.

Pluet super peccatóres  
láqueos : \* ignis, et sul-  
phur, et spíritus procellá-  
rum pars cálicis eórum.

Quóniam justus Dómi-  
nus et justítias diléxit : \*  
æquitatem vidit vultus  
ejus.

**Añã.** Justus Dóminus, et  
justítiam diléxit : æquitá-  
tem vidit vultus ejus.

**Añã.** Habitábit \* in ta-  
bernáculo tuo : requiescet  
in monte sancto tuo.

**Psalmus rlv.**

**D**omine quis habitábit  
in tabernáculo tuo? \*  
aut quis requiescet in  
monte sancto tuo?

Qui ingréditur sine má-  
cula, \* et operátur justí-  
tiam :

Qui lóquitur veritatem  
in corde suo, \* qui non  
egit dolum in lingua sua :

Nec fecit próximo suo  
malum, \* et oppróbrium  
non acépít advérsus pró-  
ximos suos.

Ad níhilum dedúctus est  
in conspéctu ejus malí-  
gnus : \* tímèntes autem  
Dóminum glorificat :

Qui jurat próximo suo,  
et non decípít, \* qui pe-  
cúniam suam non dedit  
ad usúram, et múnera  
super innocéntem non ac-  
cépít :

Qui facit hæc, \* non mo-  
vébitur in ætérnum.

**Añã.** Habitábit in taber-  
náculo tuo : requiescet in  
monte sancto tuo.

**Añã.** Posuísti Dómine \*  
super caput ejus corónam  
de lápide pretiósio.

**Psalmus rr.**

**D**omine in virtúte tua  
lætábitur Rex : \* et  
super salutáre tuum ex-  
sultábit veheménter.

Desidérium cordis ejus

tribuísti ei : \* et voluntáte  
labiórum ejus non fraudá-  
sti eum.

Quóniam prævenísti eum  
in benedictiónibus dulcé-  
dinis : \* posuísti in cápite  
ejus corónam de lápide  
pretiósio.

Vitam pétiit a te : \* et  
tribuísti ei longitudinem  
diérum in sæculum, et in  
sæculum sæculi.

Magna est glória ejus in  
salutári tuo : \* glóriam et  
magnum decórem impó-  
nes super eum.

Quóniam dabis eum in  
benedictiónem in sæcu-  
lum sæculi : \* lætificábis  
eum in gáudio cum vultu  
tuo.

Quóniam rex sperat in  
Dómino : \* et in miseri-  
córdia Altíssimi non com-  
movébitur.

Inveniátur manus tua  
ómnibus inimícis tuis : \*  
dextera tua invéniat om-  
nes, qui te odérunt.

Pones eos ut clíbanum  
ignis in témpore vultus  
tui : \* Dóminus in ira sua  
conturbábit eos, et devo-  
rábit eos ignis.

Fructum eórum de terra  
perdes : \* et semen eórum  
a filiis hóminum.

Quóniam declinavérunt  
in te mala ; \* cogitavérunt

consília, quæ non potué-  
runt stabilire.

Quóniam pones eos dor-  
sum : \* in reliquiis tuis præ-  
parábis vultum eórum.

Exaltáre Dómine in vir-  
túte tua : \* cantábitus et  
psallémus virtútes tuas.

**Añã.** Posuísti Dómine  
super caput ejus corónam  
de lápide pretiósio.

**V.** Magna est glória ejus  
in salutári tuo. **R.** Gló-  
riam et magnum decórem  
impónes super eum.

Pater noster. **Absolutio.**

A vínculis. **V.** Jube domne.  
**Bened.** Evangélica léctio.  
Léctio sancti Evangélii  
secúndum Lucam.

**Tertio vij. Cap. xiv. f**

**I**N illo témpore : Dixit  
Jesus turbis : Si quis  
venit ad me, et non odit  
patrem suum, et matrem,  
et uxórem, et filios, et fra-  
tres, et soróres, adhuc au-  
tem et ánimam suam, non  
potest meus esse discipu-  
lus. Et réliqua.

Homília sancti Gregórii  
Papæ.

**Hom. xxxvij. in Evangelia.**

**S**I considerémus, fra-  
tres caríssimi, quæ  
et quanta sunt,  
quæ nobis promittúntur in  
cœlis, viléscunt ánimo óm-  
nia quæ habéntur in ter-

ris. Terréna namque substántia supérnæ felicitáti comparáta, pondus est, non subsidium. Temporális vita æternæ vitæ comparáta, mors est potius dicénda, quam vita. Ipse enim quotidiánus deféctus corruptiónis quid est aliud, quam quædam prolixitas mortis? Quæ autem lingua dicere, vel quis intellectus capere sufficit, illa supérnæ civitátis quanta sint gáudia; Angelórum choris interesse, cum beatíssimis spirítibus glóriæ Conditóris assistere, præsentem Dei vultum cernere, incircumscriptum lumen vidére, nullo mortis metu áffici, incorruptiónis perpétuæ múnere lætári?

**R.** Coróna áurea super caput ejus, \* Expréssa signo sanctitátis, glória honoris, et opus fortitúdinis. **V.** Quóniam prævenisti eum in benedictiónibus dulcédinis, posuisti in cápite ejus corónam de lápide pretiósó. — Expréssa.

**Bened.** Cujus festum cólimus.

**Lectio viij.**

**S**ED ad hæc audíta inardescit ánimus: jamque illic cupit assistere,

ubi se sperat sine fine gaudere. Sed ad magna præmia perveniri non potest, nisi per magnos labóres. Unde et Paulus egrégus prædicátor dicit: Non coronábitur, nisi qui legitime certáverit. Deléctat ergo mentem magnitúdo præmiórum, sed non detérreat certámen labórum. Unde ad se veniéntibus Véritas dicit: Si quis venit ad me, et non odit patrem suum, et matrem, et uxórem, et filios, et fratres, et soróres, adhuc autem et animam suam, non potest meus esse discipulus.

**R.** Hic est vere Martyr, qui pro Christi nómine sanguíneum suum fudit: \* Qui minas júdicum non tímuit, nec terrénæ dignitátis glóriam quæsivit, sed ad cœlestia regna pervénit. **V.** Justum dedúxit Dóminus per vias rectas, et osténdit illi regnum Dei. — Qui minas. Glória Patri. Qui minas.

**Bened.** Ad societátem.

**Sequens Responsorium dic. ultimo loco in Festis sex SS. Mart. Pontif. Eusebii, Marcelli, Joannis, Silverii, Martini, et Pontiani**

**R.** Dómine prævenisti eum in benedictiónibus

dulcédinis: \* Posuisti in cápite ejus corónam de lápide pretiósó. **V.** Vitam pétiit a te, et tribuisti ei longitudinem diérum in sæculum sæculi. — Posuisti. Glória. Posuisti.

**Lectio ix.**

**S**ED percontári libet, quómo modo paréntes, et carnáliter propínquos præcipimur odisse, qui jubémur et inimicos diligere? Et certe Véritas de uxóre dicit: Quod Deus conjúnxit, homo non séparet. Et Paulus ait: Vñi, diligite uxóres vestras, sicut et Christus Ecclesiám. Ecce, discipulus uxórem diligendam prædicat, cum magíster dicat: Qui uxórem non odit, non potest meus esse discipulus. Numquid aliud judex núntiat, aliud præco clamat? An simul et odisse póssumus, et diligere? Sed si vim præcepti perpéndimus, utrúmque ágere per discretiónem valémus: ut uxórem, et eos, qui nobis carnis cognatióne conjúcti sunt, et quos próximos nóvimus, diligámus; et quos adversários in via Dei pátimur, odiendo et fugiéndó nesciámus.

Te Deum. 18.

**AD LAUDES,**

**et per Horas, Añæ.**

1. Qui me confessus fuerit \* coram homínibus, confitébor et ego eum coram Patre meo.

**Ps.** Dóminus regnávít cum reliquis. 19.

2. Qui séquitur me, \* non ámbulat in ténebris, sed habébit lumen vitæ, dicit Dóminus.

3. Qui mihi ministrat, \* me sequátur: et ubi ego sum, illic sit et míster meus.

4. Si quis mihi ministráverit, \* honorificábit eum Pater meus, qui est in cœlis, dicit Dóminus.

5. Volo Pater, \* ut ubi ego sum, illic sit et míster meus.

**Capitulum.** Jac. j. b

**B**Eátus vir, qui suffert tentatióem: quóniam cum probátus fuerit, accípiet corónam vitæ, quam reprobis Deus diligéntibus se.

**Hymnus.**

**I**Nvicté Martyr, únicum Patris secútus Fílium, Victis triúmphas hóstibus.

Victor fruens cœlestibus.

**T**ui precátus múnere Nostrum reátum dílué, Arcens mali contágium, Vitæ repéllens tædium.

Soluta sunt jam vincula  
Tui sacrati corporis :  
Nos solve vinculis sæculi,  
Dono superni Numinis.

Deo Patri sit gloria,  
Ejusque soli Filio,  
Cum Spiritu Paraclito,  
Nunc, et per omne sæcu-  
lum. Amen.

¶ Justus ut palma florebit. *R.* Sicut cedrus Libani multiplicabitur.

Ad Benedictus, *Añã.* Qui odit \* animam suam in hoc mundo, in vitam æternam custodit eam.

Pro Martyre et Pontifice.

*Oratio.*

**I**nfirmiãtẽm nostram respice omnipotens Deus : et quia pondus propriæ actionis gravat, beati *N.* Martyris tui atque Pontificis intercessio gloriosa nos protegat. Per Dñum.

*Alia Oratio.*

**D**eus, qui nos beati *N.* Martyris tui atque Pontificis annua solemnitate lætificas : concede propitius, ut cujus natalitia colimus, de ejusdem etiam protectione gauderemus. Per Dñum.

Pro Martyre tantum.

*Oratio.*

**P**ræsta quæsumus omnipotens Deus : ut qui beati *N.* Martyris tui

natalitia colimus, intercessione ejus in tui nominis amore roboreretur. Per Dñum nostrum.

*Alia Oratio.*

**P**ræsta quæsumus omnipotens Deus : ut intercedente beato *N.* Martyre tuo, et a cunctis adversitatibus libereretur in corpore, et a pravis cogitationibus mundetur in mente. Per Dñum.

AD TERTIAM.

*Añã.* Qui sequitur me.

*Capitulum.* Beatus vir. ut supra. [41]

*R.* br. Gloria et honore, \* Coronasti eum Domine, Gloria. ¶ Et constituisti eum super opera manuum tuarum. Coronasti. Gloria Patri. Gloria et honore.

¶ Posuisti Domine super caput ejus. *R.* Coronam de lapide pretioso.

AD SEXTAM.

*Añã.* Qui mihi ministrat. *Capitulum.* Eccli. xv.

**C**ibavit illum pane vitæ et intellectus, et aqua sapientiæ salutaris potavit illum Dominus Deus noster.

*R.* br. Posuisti Domine \* Super caput ejus. Posuisti Domine. ¶ Coronam de lapide pretioso. Super. Gloria Patri. Posuisti.

¶ Magna est gloria ejus in salutari tuo. *R.* Gloriam et magnum decorem impones super eum.

AD NONAM.

*Añã.* Volo Pater.

*Capitulum.* Eccli. xxxix.

**J**ustus cor suum tradidit ad vigilandum diluculo ad Dominum, qui fecit illum, et in conspectu Altissimi deprecabitur.

*R.* br. Magna est gloria ejus, \* In salutari tuo. Magna. ¶ Gloriam et magnum decorem impones super eum. In salutari tuo. Gloria Patri. Magna.

¶ Justus ut palma florebit. *R.* Sicut cedrus Libani multiplicabitur.

IN II. VESPERIS.

*Añã ut in Laudibus.* [41] *Psalmi ut in j. Vesperis de Communi Apostolorum* [2] *et loco ultimi*

*Psalmus cv.*

**C**redidi, propter quod locutus sum : \* ego autem humiliatus sum nimis.

Ego dixi in excessu meo : \* Omnis homo mendax. Quid retribuam Domino, \* pro omnibus, quæ retribuit mihi ?

Calicem salutaris accipiam : \* et nomen Domini invocabo.

Vota mea Dño reddam coram omni populo ejus : \* pretiosa in conspectu Dñi mors sanctorum ejus :

O Domine quia ego servus tuus : \* ego servus tuus, et filius ancillæ tuæ. Dirupisti vincula mea : \* tibi sacrificabo hostiam laudis, et nomen Domini invocabo.

Vota mea Domino reddam in conspectu omnis populi ejus : \* in atris domus Domini, in medio tui Jerusalem.

*Añã.* Volo Pater, ut ubi ego sum, illic sit et minister meus.

*Capitulum.* Jacobi j. b

**B**eatus vir, qui suffert tentationem : quoniam cum probatus fuerit, accipiet coronam vitæ, quam remisit Deus diligentibus se.

*Hymnus.*

**D**eus tuorum militum Sors, et corona, præmium,

Laudes canentes Martyris Absolve nexu criminis. Hic nempe mundi gaudia, Et blanda fraudum pabula Imbuta felle deputans Pervenit ad cœlestia. Pœnas cucurrit fortiter, Et sustulit viriliter,



Fundénsque pro te sanguinem

Ætérna dona pössidet.

Ob hoc precátu súplici  
Te póscimus píssime :  
In hoc triúmpho Mártiris  
Dimitte noxam sérvulis.

Laus et perénnis glória  
Patri sit, atque Filio,  
Sancto simul Paráclito,  
In sempitérna sæcula.

Amen.

℣. Justus ut palma florébit. ℞. Sicut cedrus Libani multiplicábitur.

Ad Magnificat, Añã. Qui vult venire post me, \* abneget semetipsum, et tollat crucem suam, et sequatur me.

ALIÆ LECTIONES  
PRO UNO MARTYRE.

In II. Nocturno.

DeExpositiõne sancti Ambrosii Episcopi in Psalmum centésimum decimum octávum.

Lectio iv. Serm. xxj.

**R**incipes persecúti sunt me gratis : et a verbis tuis trepidávit cor meum. Bene hoc Martyr dicit, quod injúste persecutiõnum tormenta sustineat : qui nihil rapúerit, nullum violéntus opprésset, nullus sanguinem fúderit, nullus torum

putáverit esse violándum : qui nihil légibus débeat, et gravióra latrónum sustinére cogátur supplicia : qui loquátur juste, et non audiátur : qui loquátur plena salutis, et impugnetur : ut possit dicere, Cum loquébar illis, impugnabant me gratis. Gratis igitur persecutiõnem pátitur, qui impugnátur sine crimine : impugnátur ut nóxius, cum sit in tali confessiõne laudábilis : impugnátur quasi venéficus, qui in nómine Dómini gloriátur, cum pietas virtutum ómnium fundaméntum sit.

℞. Honéstum fecit illum Dóminus, et custodívit eum ab inimicis, et a seductóribus tutávit illum. \* Et dedit illi claritátem ætérnam. ℣. Descendítque cum illo in fóveam : et in vinculis non dereliquit eum. — Et dedit.

Lectio v.

**V**ere frustra impugnátur, qui apud ímpios et infidos impietátis arcéssitur, cum fidei sit magister. Verum qui gratis impugnátur, fortis debet esse et constans. Quómodo ergo subtéxuit : Et a verbis tuis trepidávit cor

meum? Trepidáre infirmítatis est, timóris atque firmidinis. Sed est étiam infirmitas ad salutem, est étiam timor sanctorum. Timéte Dóminum omnes sancti ejus : et, Beátus vir, qui timet Dóminum. Quia ratiõne beátus? Quia in mandátis ejus cupit nimis.

℞. Desidérium animæ ejus tribuísti ei Dómine, \* Et voluntáte labiõrum ejus non fraudásti eum.

℣. Quóniam prævenísti eum in benedictiõnibus dulcedinis : posuísti in cápite ejus corónam de lapide pretiõso. — Et.

Lectio vj.

**P**one ergo Mátyrem inter pericula constitútum, cum inde immánitas bestiárum ad incutiéndum terrórem infremat, aliunde stridor candéntium laminárum, et flamma fornácis ardéntis exæstuet, ex parte ália personent tractus grávium catenárum, hinc carnifex cruéntus assístat : pone, inquam, circumspéctantem ómnia plena supplicii, deinde cogitántem mandátá divína, illum ignem perpétuum, illud sine fine incéndium perfidórum, illam pœnæ recru-

descéntis aerúmnam : trepidáre corde, ne, dum præsentibus cedat, perpétuis se dedat exitiis : perturbári ánimo, dum futúri iudicii rhomphæam illam terribilem quadam conspéctus spécie contuétur. Nonne ad hanc trepidatiõnem fidúciæ viri constantis, æquális in eúdem concúrrit effectum confidentia cupiéntis ætérna, et divína trepidántis?

℞. Stola. [37]

In III. Nocturno.  
Lectio sancti Evangélij  
secúndum Matthæum.

Lectio vij. Cap. xvj. d

**I**n illo témpore : Dixit Jesus discipulis suis : Si quis vult post me venire, abneget semetipsum, et tollat crucem suam, et sequatur me. Et reliqua.

Homília sancti Gregórii Papæ.

Homil. xxxij. in Evang.

**U**ia Dóminus ac Redémptor noster novus homo venit in mundum, nova præcepta dedit mundo. Vitæ etenim nostræ véteri in vitiis enutritæ contrarietatem oppósuit novitatis suæ. Quid enim vetus, quid carnális homo nóverat, nisi sua retinére, aliéna

râpere, si posset; concupiscere, si non posset? Sed cœlestis medicus singulis quibusque vitiis obviâtia adhibet medicaménta. Nam sicut arte medicînæ cãlida frigidis, frígida cãlidis curântur: ita Dóminus noster contrária oppósuit medicaménta peccãtis, ut lúbricis continéntiam, tenácibus largitãtem, iracúndis mansuetúdinem, elãtis præcíperet humilitãtem.

✠. Coróna áurea super caput ejus, \*Expréssa signo sanctitãtis, glória honoris, et opus fortitúdinis. ✠. Quóniam prævenisti eum in benedictiónibus dulcédinis: posuisti in cápite ejus corónam de lápide pretiósio. — Expréssa.

**Lectio viij.**

**C**erte cum se sequéntibus nova mandãta proponeret, dixit: Nisi quis renuntiãverit ómnibus quæ póssidet, non potest meus esse discipulus. Ac si apérte dicat: Qui per vitam vétèrem aliéna concupiscitis, per novæ conversatiónis stúdiu et vestra largimini. Quid vero in hac lectiõe dicat, audiãmus: Qui vult post me veníre, abneget semet-

ípsu. Ibi dicitur, ut abnegemus nostra: hic dicitur, ut abnegemus nos. Et fortãsse laboriósu non est hómini relínquere sua: sed valde laboriósu est relínquere semetípsu. Minus quippe est abnegãre quod habet: valde autem multu est, abnegãre quod est.

✠. Hic est vere Martyr, qui pro Christi nómine sãnguinem suu fudit: \* Qui minas júdicu non tímuit, nec terrænæ dignitãtis glóriam quæsívit, sed ad cœlestia regna pervénit. ✠. Justu dedúxit Dóminus per vias rectas, et osténdit illi regnu Dei. — Qui minas. Glória Patri. Qui minas.

**Lectio ix.**

**A**d se autem nobis veniéntibus Dóminus præcépit, ut renuntiemus nostris: quia quicúmque ad fidei agónem venimus, luctãmen contra malignos spíritus sùmimus. Nihil autem maligni spíritus in hoc mundo própriu póssident: nudi ergo cum nudis luctãri debemus. Nam si vestítus quisque cum nudo luctãtur, citius ad terram dejícitur, quia habet unde teneãtur. Quid

enim sunt terréna ómnia, nisi quædam córporis induménta? Qui ergo contra diãbolum ad certãmen próperat, vestiménta abjiciat, ne succúmbat.

Te Deu laudãmus. 18.

**III. ALIA HOMILIA.**

Lectio sancti Evangélii secúndu Matthæu.

**Lectio vij.**

**Cap. x. c**

**I**n illo témpore: Dixit Jesus discipulis suis: Nihil est opértu, quod non revelãbitur: et occúltu, quod non sciétur. Et réliqua.

Homília sancti Hilãrii Episcopi.

Comment. in Matth. can. x. post mediu.

**D**ominu diem júdicii osténdit, quæ abstrúsam voluntãtis nostræ consciéntiam prodet: et ea quæ nunc occúltã existimãntur, luce cognitiónis públicæ detegit. Igitur non minas, non consilia, non potestãtes insectãntium monet esse metuéndas: quia dies júdicii nulla hæc fuisse atque inãnia revelãbit. Et quod dico vobis in ténebris, dicite in lúmine: et quod in aure audítis, præ-

dicãte super tecta. Non légimus Dóminu sólitu fuisse nóctibus sermocinári, et doctrinã in ténebris tradidisse: sed quia omnis sermo ejus carnãlibus ténebræ sunt, et verbu ejus infidélibus nox est.

✠. Coróna áurea super caput ejus, \*Expréssa signo sanctitãtis, glória honoris, et opus fortitúdinis. ✠. Quóniam prævenisti eum in benedictiónibus dulcédinis: posuisti in cápite ejus corónam de lápide pretiósio. — Expréssa.

**Lectio viij.**

**I**taque id quod a se dictu est, cum libertãte fidei et confessiõis vult esse loquéndu. Idcirco quæ in ténebris dicta sunt, prædicãri jussit in lúmine: ut quæ secréto áurium commissa sunt, super tecta, id est, excélsu loquéntium præcónio audiãntur. Constãnter enim Dei ingerénda cognitiõ est, et profúndu doctrinæ evangélicæ secrétu in lúmine prædicatiõis apostólicæ revelãndu: non tímèntes eos, quibus cum sit licéntia in córpora, tamen in ánimã jus nullu est: sed tímèntes pó-

tius Deum, cui perdendæ in gehenna et animæ et corporis sit potestas.

**R.** Hic est vere Martyr, qui pro Christi nomine sanguinem suum fudit :

\* Qui minas iudicum non timuit, nec terrænæ dignitatis glóriam quæsivit, sed ad cœlestia regna pervenit. **R.** Justum deduxit Dominus per vias rectas, et ostendit illi regnum Dei. — Qui minas. **Gloria Patri.** Qui minas.

**Lectio iv.**

**N**olite timere eos qui occidunt corpus. Nullus igitur corporum nostrorum casus est pertimescendus, neque ullus interimentæ carnis admit-

tendus est dolor : quando pro naturæ suæ atque originis conditione resoluta, in substantiam spirituales animæ refundatur. Et quia doctrinis talibus confirmatos oportet liberam confitendi Dei habere constantiam, etiam conditionem, qua teneremur, ad iecit : negaturum se eum Patri in cœlis, qui se hominibus in terra negasset: eum porro qui confessus coram hominibus se fuisset, a se in cœlis confitendum: qualisque nos nominis sui testes hominibus fuissimus, tali nos apud Deum Patrem testimonio ejus usuarios.

Te Deum laudamus. 18.



**Commune plurimorum Martyrum.**

IN I. VESPERIS.

**Antiphonæ.**



Mnes sancti, \* quanta passi sunt tormenta, ut securi pervenirent ad palmam martyrii.

**Psalmi ut in j. Vesperis de Communi Apostol. [2]**

2. Cum palma \* ad regna pervenerunt sancti, coronas decoris meruerunt de manu Dei.

3. Corpora sanctorum \* in pace sepulta sunt : et vivent nomina eorum in æternum.

4. Martyres Domini \* Dominum benedicite in æternum.

5. Martyrum chorus \* laudate Dominum de cœlis, alleluia.

**Capitulum.**

**Sap. iij**



Ustorum animæ in manu Dei sunt, et non tanget illos tormentum mortis. Visi sunt oculis insipientium mori : illi autem sunt in pace.

**Hymnus.**

**S**anctorum meritis inclyta gaudia Pangamus socii, gestaque fortia :

Gliscens fert animus promere cantibus Victorum genus optimum.

Hi sunt, quos fatue mundus abhorruit ; Hunc fructu vacuum, floribus aridum

Contempsere tui nominis asseclæ Jesu Rex bone Cœlitum.